

DECRÈT 323/2015

Carlos Barrera Sánchez, sindic deth Conselh Generau d'Aran, en tot hèr usatge des facultats que me conferís er article 29.4d) dera Lei 1/2015, de 5 de hereuèr, sus eth Regim Especiau d'Aran,

È RESOLVUT:

PRUMÈR.- Convocar Session Extraordinària deth Plen deth Conselh Generau d'Aran entath dia **14 d'agost de 2015**, entàs **9:00 ores**, ena sedença deth Conselh Generau d'Aran en Vielha.

DUSAU.- Fixar eth següent Orde deth dia:

- 1) Aprobacion definitiva, se procedís, deth Compde Generau, Annèxi e Estats deth Conselh Generau d'Aran, des sòns organismes autonòms, des sues societats mercantiles e dera sua entitat publica empresariau, exercici 2014.
- 2) Aprobacion, se procedís, de delegacion de competències deth Plen ath Conselh de Govèrn.
- 3) Aprobacion, se procedís, dera creacion e composicion dera Comission d'Ahèrs Institucionaus deth Conselh Generau d'Aran.
- 4) Aprobacion, se procedís, dera encomana des foncions dera direccion deth Servici Aranés d'Ahèrs Institucionaus ara Sra. Maria Àngels Borràs Hurtado.
- 5) Aprobacion, se procedís, deth nomentament des nauï membres dera Ponència d'Avaloracion Ambientau dera Val d'Aran.
- 6) Ratificacion, se procedís, dera signatura deth convèni de collaboracion entà minimizar es efèctes des inundacions de junh de 2013.
- 7) Aprobacion, se procedís, dera modificacion d'estatuts deth consòrci Leader Pirineu Occidental atau coma de ratificacion des representats deth Conselh Generau d'Aran en aquest consòrci.
- 8) Aprobacion, se procedís, deth convèni de collaboracion entre eth departament d'agricultura, ramaderia, pesca, alimentació i medi natural, organisme pagador des hons feaga e feader, e eth conselh generau d'aran referent ar exercici des foncions der organisme pagador" [12/12/2012].-
- 9) Aprobacion definitiva, se procedís, dera cession deth 50% en proindivís der immòble plaçat ara nautada deth pk 30,500 dera carretèra C-28, deth tèrme munipau de Naut Aran ar Ajuntament de Naut Aran, afectat ath servici d'usatge public de parcatge de veïculs, en tot tractar-se d'un element funcionau dera carretèra.
- 10) Aprobacion definitiva, se procedís, dera cession en precari der usatge der antic locau der organisme autònom locau Foment Torisme Val d'Aran plaçat ena carretèra de Gausac numerò 1 e cedit pera Cambra oficial de comèrc i indústria de Lleida ath Conselh Generau d'Aran.
- 11) Aprobacion, se procedís, dera modificacion dera plantilha de personau e dera relacion de lòcs de treball deth Conselh Generau d'Aran.

- 12) Aprobacion inicial, se procedís, dera modificacion de diuèrsi articles deth Reglament Organic deth Conselh Generau d'Aran.
- 13) Nomentament, se procedís, des representants deth Conselh Generau en organs col·legiadi, era competéncia des quaus correspon ath Plen deth Conselh Generau d'Aran.
- 14) Dar compde der informe de morositat e deth periòde miei de pagament deth Conselh Generau d'Aran, prumèr trimèstre 2015.
- 15) Dar compde der informe de morositat e deth periòde miei de pagament deth Conselh Generau d'Aran, dusau trimèstre 2015.
- 16) Dar compde dera resolucio deth requeriment prealable ara interposicion de recurs contenciós-administratiu en contra dera aprobacion definitiva dera modificacion deth Plan Director Urbanistic dera Val d'Aran per part deth conseller de Territori i Sostenibilitat dera Generalitat de Catalunya, entara sua correccion.

Vielha, 11 d'agost de 2015

Dauant mèn

Carlos Barrera Sánchez
SINDIC D'ARAN

David Montalà Palau
SECRETARI